

a dh'fhàile cùbhraidh do'n Tighearna.

14 Agus ma's ann do eun-aibh *a bhios* a thabhartas do'n Tighearna *chum* iobairt-loisgte, 'an sin bheir e a thabhartas do thurturaibh, no do cholumanaibh oga.

15 Agus bheir an fagart e chum na h-altarach, agus snìomhaidh ^a e cheann deth, agus loisgidh e air an altair *e*; agus faisgear a mach fhuil air taobh na h-altarach.

16 Agus spìonaidh ^b e gheubhan as maille r'a chlàimh ^c, agus tilgidh e làimh ris an altair e, air an taobh an ear, a dh'aite na luatha.

17 Agus sgoiltidh e maille r'a sgiathaibh e, *ach* cha roinn e o cheile *e*: agus loisgidh an fagart e air an altair, air an fhiodh a *ta* air an teine, mar iobairt-loisgte, tabhartas a bheirear suas le teine, a dh'fhàile cùbhraidh do'n Tighearna.

C A I B. II.

A GUS an uair a bheir neach air bith tabhartas-bìdh do'n Tighearna, bithidh a thabhartas do phlùr mìn: agus dòirtidh e oladh air, agus cuiridh e thìs air:

2 Agus bheir fe e gu mic Aaroin na sagairt, agus gabhaidh e as làn a dhuirn d'a phlùr, agus d'a ola, maille r'a thùis uile; agus loisgidh an fagart a chuimhneachan air an altair, *gu bhi* 'na thabhartas air a thoirt suas le teine, a dh'fhàile cùbhraidh do'n Tighearna.

3 Agus fuigheall an tabhar-

tais-bhìdh, *is* le Aaròn agus le mhic *e*: *is* ni ro-naomha e do thabhartasfaibh an Tighearn air an toirt suas le teine.

4 Agus ma bheir thu seachad tabhartas-bìdh air a dheasachadh ^d 'san àmhuinn, *is* breacagan neo-ghoirtichte do phlùr mìn measgta le h-oladh a *bhios ann*, no dearnagan ^e neo-ghoirtichte ungta le h-ola.

5 Agus ma's tabhartas-bìdh air a dheasachadh ann an aghann a *bhios* a'd' thabhartas, bithidh e do phlùr mìn neo-ghoirtichte, measgta le h-ola.

6 Roinnidh tu e na mhìribh, agus dòirtidh tu oladh air: *is* tabhartas-bìdh a t'ann.

7 Agus ma *bhios* do thabhartas 'na thabhartas-bìdh o'n aghann-ròlaidh, nìthear e do phlùr mìn le h-ola,

8 Agus bheir thu 'n tabhartas-bìdh, a nìthear do na nìthibh so, chum an Tighearna: agus an uair a thaisbeanar ^f do'n t-fagart e, bheir fe e chum na h-altarach.

9 Agus gabhaidh an fagart as an tabhartas-bìdh cuimhneachan dheth, agus loisgidh fe *e* air an altair: *is* tabhartas a *th'ann* air a thoirt suas le teine, a dh'fhàile cùbhraidh do'n Tighearna.

10 Agus an ni a dh'fhàgar do'n tabhartas-bìdh, *is* le Aaron agus le mhic *e*: *tha e* 'na nì ro-naomha do thabhartais an Tighearn air an toirt suas le teine.

11 Cha deanar tabhartas-bìdh sam bith, a bheir sibh a dh'ionnfuidh an Tighearna, le taois ghoirt; oir cha loisg sibh

a'

^a spìonaidh.
waters. *Saff.*

^b reubaidh.
f nochdar.

^c iteagan.

^d bruichte.

^e gearragan;